

Galli, ut noctem dies subsequatur: idem plane observarunt nostri Britanni. Quod enim Latini septimam, & duas septimanas, dicunt; Illi Wīth-nos, id est, octo noctes, & Pyrnthe-nos, id est, quindecim noctes appellant.

*Respublica.*

Reipub. formam etiam eandem utraque gens sibi descripsisse videtur. Non enim unius imperio regebantur, sed ut Gallia, sic quoque Britannia plures reges habuit. Utque Galli in rebus difficilioribus publicum gentis concilium egerrunt, & unum imperatorem designarunt: idem Britanos præstissime ex his Cæsar's verbis elici posset, *Summa imperii bellique administrandi communis consilio permissa est Cæsivellauno.*

*\* Cassibelli-*

*nus.*

*Mores.*

Nec dissimiles moribus, & institutis hæ gentes fuerant, nam, ut taceam utraque gentem bellissimam fuisse, cædis avidissimam, ad conferenda prælia, depositaque pericula eadem audacia, uti ex Strabone, Tacito, Dione, Hero-diano, & aliis constat. *Moribus*, inquit Strabo, partim Gallis similes sunt Britanni; & statim subjunxit, *instar Gallorum quorundam in bellis gerendis sunt ut plurimum immanes.* Tacitusque cum eo, *Britanni, qui à Romanis non devicti manent quales Galli fuerunt.* Et alio loco, *Proximi Gallis, & similes sunt Britanni.*

Britanos dimicasse Gallice armatos prodit

*Mela.*

Ad bella essedorum multitudine utuntur Britanni, ut quidam Gallorum, scribit Strabo.

In more fuit utrique genti, in bello ita aciem per nationes struere, ut discreta virtus clarius elucesceret. Hoc Gallos fecisse his verbis testatur Cæsar, *Galli distributi in civitates vada obtinebant.* Quod de Britannis sic confirmat Tacitus in prælio Carataci, *Ceteræ nationum pro munimentis constituerant.*

*Galli*, inquit Strabo, *ingenio docili, & ad doctrinam prompto fuere, nec minus Britanni, quorum ingenia studiis Gallorum anteferebat apud Tacitum Agricola, ut qui modo linguam Romanam abnuebant, eloquentiam concupiscerent.*

Mente candida & simplici fuisse Gallos tradit Strabo, quod Tacitus de Britannis innuere videtur, cum scribat illos delectum, tributa, & injuncta imperii munera impigre obire, si injuriae absint.

Mobilitate & animi levitate novis imperiis studuisse Gallos refert Cæsar; Britanni similiter factionibus, & studiis trahebantur, inquit Tacitus.

Ex hac Gallorum mobilitate, quam infirmitatem honestius Cæsar vocat; credulitas tanta in eorum animos irrepit, ut Gallica credulitas in proverbium cesserit, & Poëta cecinerit:

*Et tumidus Galla credulitate fruar.*

Necdum in ea Britanni nostri degenerarunt, qui, vel Milesiis fabulis avidam aurem admovent, & ineptissimis vaticiniis superstitionis vel spe, vel sollicitudine statim credunt.

Gallos propinquos, quos violatos viderint, maxime indoluisse legitur apud Strabonem. Eandem sympathiam nostris Britannis præ ceteris gentibus inesse, notius est quam dici possit, & vulgo cantitatum.

*Galli, ut est apud Cæsarem, uti quisque genere, co-*

*Ambacti. pijsque amplissimis, ita plurimos circum se Ambactos, id*

est servos & clientes habuerunt: *hanc unam gratiam, potentiamque neverunt.* Nec aliam hodie nobiles nostri Britanni gratiam neverunt, à quibus, ut existimat, Angli tanta affectantium famulorum agmina secum trahere didicerunt; qua in re Europæis omnibus longè nuper antecelluerunt.

Britannorum ædificia Gallicis fuisse consimilia, & sylvis circumdata docet cum Cæsare Strabo.

Galli, ut testis est Strabo, aureos torques collogesserunt, & Bünduica Britanna (inquit Xiphilinus) aureum torque tult, *induta tunica variis coloribus distincta.* Nec alibi hodie illud ornamentum magis est in usu, quam in hac insula, & apud nostros Britanos. Britanos & Gallos in re medio dighito usos fuisse annulo author est Plinius. Gallos comas aluiffe, memorat idem Strabo, & Britanos promisso fuisse capillo testatur Cæsar. Apud plures extat authores Gallos vestimentis quibusdam usos fuisse, quæ Brachas patrio sermone dixerunt: hæc & nostris Britannis communia fuisse docet Martialis versiculos,

*Quam veteres Brache Britonis pauperis.  
Omitto quod de Gallis scribit Silius Italicus,*

*Quin etiam ingenio fluxi. sed prima feroce,*

*Vaniloquent Celtae genus, ac mutabile mentis:*

quia hæc plurimis gentibus sunt communia. Alia attexerem quibus hæ gentes inter se conve-nerunt, sed male metuo ne in calumniam à malevolis raperentur. Illudque mihi per placet, Omnia modice & intra modum; & infirmius forsitan videatur, quod hinc ducitur argumentum.

Nunc ad linguam ventum est, in qua maximum est hujus disputationis firmamentum, & certissimum originis gentium argumentum. Qui enim linguæ societate conjuncti sunt, originis etiam communione fuisse conjunctos homo opinor nemo inficiabitur. Quod si omnes omnium historiæ intercidissent, & nemo literis prodidisset nos Anglos è Germanis, genuinos Schotos ex Hibernis, Britones Armoricanos à nostris Britannis prognatos fuisse: ipsarum linguarum communitas hoc facile evinceret, imo facilius, quam vel gravissimorum historicorum authoritas. Si igitur priscos Gallos, & nostros Britanos eadem usos fuisse lingua docuero, ejusdem etiam originis fuisse, ut fateamur, ipsa vis veritatis extorquebit. Nec moror quod ipsos Gallos lingua discretos scriperit Cæsar. Dialecto tan-tum discrepasse docet Strabo. *Eadem, inquit, non usque quaque lingua omnes, sed paululum variata.* Ceterum veterum Gallorum linguam eandem cum Britannica fuisse (nisi forte Dialecti varietate) docet ipse Cæsar, qui scribit moris fuisse, ut Galli qui Druidum disciplinam diligentius cognoscere vellent, in Britanniam ad nostros Druidas proficiserentur. Cum autem illi libris nullis ute-rentur, consentaneum est eos eodem, quo Galli, usos fuisse in docendo sermone. Quod Cornelius Tacitus disertius affirmat. *Britannorum*, inquit ille, *& Gallorum sermo haud multum diversus.* Unde in hanc opinionem conesserunt Beatus Rhe-nanus, Gesnerus, Hottomannus, Petrus Daniel, Picardus, & omnes qui venerandæ antiquitati litarunt, præter pauculos qui Gallos Germanice loquutos volunt, & contendunt. Sed ne quis hac in re nobis pulverem ob oculos spargat, ex au-thori-